

**REPUBULIKA Y’U RWANDA**



**INTARA Y’AMAJYEPFO**

**AKARERE KA KAMONYI**

**B.P. 03 MUHANGA**

E-mail: [kamonyidistrict@yahoo.fr](mailto:kamonyidistrict@yahoo.fr)

**IBYEMEZO BY’INAMA NJYANAMA Y’AKARERE KA KAMONYI N°011 /07.02/08/CD**

**IBYEMEZO BY’INAMA ISANZWE Y’INAMA NJYANAMA Y’AKARERE KA KAMONYI IGIHEMBWE CYA II / 2011 YATERANYE KU WA 22 KAMENA 2011**

Kuri uyu wa Gatatu tariki ya **22 Kamena 2011** ku biro by’Akarere ka **KAMONYI** guhera saa yine za mu gitondo (**10H00**) hateraniye inama isanzwe y’Inama Njyanama iyobowe n’Umuyobozi w’Inama Njyanama Bwana **KARURANGA Emmanuel** inama yatangijwe isengesho. Umuyobozi w’inama yamenyesheje Abajyanama ko Umujyanama **UTAMURIZA Christine**, Umujyanama **NTABANA Yves** n’Umujyanama **NYONI Lambert** bataribwitabire inama kubera impamvu bamenyesheje.

Umuyobozi w’inama yibukije Abajyanama ingingo ziribusuzumwe n’Inama Njyanama:

1. **Kwemeza inyandikomvugo y’Inama Njyanama yo ku wa 23 Werurwe 2011**
2. **Ishyirwa mu bikorwa ry’ingengo y’imari 2010 – 2011 no gusuzuma no kwemeza gahunda y’ibikorwa n’ingengo y’imari y’umwaka wa 2011- 2012 y’Akarere ka KAMONYI**
3. **Kwemeza Abakozi**
4. **Kwemeza ibiciro by’Imirenge n’ubutaka n’abagize Komisiyo z’ubutaka ku rwego rw’Akarere**
5. **Ibindi**

Abajyanama bamaze kungurana ibitekerezo ku ngingo ziri busuzumwe bemeje ko ingingo zikurikira ziyongera ku zindi ngingo ziribusuzumwe n’Inama Njyanama:

- **Raporo z’Amakomisiyo agize Inama Njyanama**
- **Ibipimo by’imisoro bizakurikizwa mu Karere ka KAMONYI umwaka wa 2011 - 2012**
- **Kwemeza inama y’Ubutegetsi y’Ibitaro bya REMERA RUKOMA**
- **Gahunda yo kwibuka rwazize jenocide yakorewe Abatutsi**
- **Poste de Sante ya BUSORO**
- **Ibaruwa yanditswe na TWAGIRAYEZU Innocent**

**Abajyanama bamaze kungurana ibitekerezo kuri gahunda ziribusuzumwe, bafashe ibyemezo bikurikira:**

**Ingingo ya 1 : Kwemeza inyandikomvugo y’Inama Njyanama yo ku wa 23 Werurwe 2011**

Abajyanama bamaze kuyikorera ubugorangingo bemeje inyandikomvugo y’inama y’Inama Njyanama yo ku wa 23 Werurwe 2011.

**6. Ingingo ya 2: Ishyirwa mu bikorwa ry’ingengo y’imari 2010 – 2011 no gusuzuma no kwemeza gahunda y’ibikorwa n’ingengo y’imari y’umwaka wa 2011- 2012 y’Akarere**

**ka KAMONYI**

Abajyanama bamaze gukorera ubugorangingo gahunda y’ibikorwa by’Akarere ka **KAMONYI 2011 - 2012** bayemeje, iyi gahunda y’ibikorwa ikaba izatwara amafaranga angana na **10 776 147 526** . Abajyanama bemeje kandi ishyirwa mu bikorwa ry’ingengo y’imari **Nyakanga 2010 - Kamena 2011**

Ku mugereka w’ibi byemezo murahasanga gahunda y’ibikorwa umwaka wa **2011 - 2012** y’Akarere ka **KAMONYI** na raporo y’ishyirwa mu bikorwa ry’ingengo y’imari umwaka wa **2010- 2011**

**Ingingo ya 3 : Iyipimo by’imisoro bizakurikizwa mu Karere ka KAMONYI umwaka wa 2011 - 2012**

Abajyanama bemeje ibipimo by’imisoro n’amahoro bizakurikizwa mu Karere ka **KAMONYI** umwaka wa **2011 - 2012**, ariko basaba ko inama za Komisiyo y’Iterambere ry’Ubukungu yagiriye Ubuyobozi bw’Akarere zakubahirizwa. Mu rwego rwo gufasha abarema isoko rya **KAMUHANDA** no kwinjiza imisoro mu Karere, Abajyanama bemeje ko uretse iminsi ryari risanzwe rirameraho hakwiyongeraho umunsi wo ku wa **Gatandatu**. Naho isoko rya **GACURABWENGE** rizajya rirema kabiri mu cyumweru ni ukuvuga; ku wa **Kabiri** no ku wa **Gatandatu**.

Abajyanama basabye ko Komisiyo y’Iterambere ry’Ubukungu izareba andi Masoko abaturage bifuzwa kongererwa iminsi yaremagaho.

Ku mugereka w’ibi byemezo murahasanga ibipimo by’imisoro bizakurikizwa mu Karere ka **KAMONYI** umwaka wa **2011 - 2012**

**Ingingo ya 4: Gusuzuma no kwemeza ingengo y’imari by’umwaka wa 2011 - 2012 by’Akarere ka KAMONYI**

Abajyanama bemeje ingengo y’imari y’umwaka wa **2011 - 2012** izakoreshwa n’Akarere ka **KAMONYI** , ikaba ingana **7 021 796 241**.

Kuri iyi ngingo Abajyanama bemeje ibi bikurikira:

- ✚ Kubera ko Abanyamabanga Nshingwabikorwa b’Imirenge bakoresha amafaranga menshi mu itumanaho, hemejwe ko amafaranga y’itumanaho ava ku bihumbi makumyabiri (**20.000**), bakazajya bahabwa amafaranga y’itumanaho angana n’ ibihumbi mirongo itanu (**50 000**).

Ku mugereka w'ibi byemezo murahasanga ingengo y'imari y'umwaka wa **2011 - 2012** izakoreshwa n'Akarere ka **KAMONYI**

**Ingingo ya 5: Kwemeza Abakozi**

Abajyanama bamaze kugezwaho na Perezida w'Akanama gashinzwe kujonjora Abakozi mu Karere Bwana **KARANGWA Ephrem**, raporo y'ibizamini byakozwe; Abajyanama bamaze kandi kugezwaho raporo ya **Komisiyo y'Abakozi ba Leta**, yemereraga Ubuyobozi bw'Akarere gushyira mu myanya Abakozi batsinze ibizamin ni;

**Abakozi bashyizwe mu myanya ku buryo bukurikira:**

N°	UMWANYA	UWATSINDIYE UMWANYA	AMANOTA %
01	Umunyamabanga w'Umunyamabanga Nshingwabikorwa w'Akarere	<b>NYAKUBYARA Devotha</b>	75
02	Ushinzwe ibikorwa remezo mu Karere	<b>MUVUNA Jules</b>	80
03	Umunyamabanga Nshingwabikorwa w'Akagari	<b>MUSONERA Theoneste</b> <b>ABAKIRIHO Marc</b> <b>SERUTAGOMA Gaspard</b>	85 84 80
04	Umunyamabanga nshingwabikorwa w'Akagari wungirije	<b>MUKANTAGENGWA Xaverine</b> <b>MUZIGABANGA Gloriose</b>	90 87
05	Abashinzwe imiturire mu Mirenge y'Umujyi	<b>BIZIMANA Parfait</b> <b>MARONKO Leonce</b> <b>MUTAYOMBA Papias</b> <b>GATSINZI Aléxis</b> <b>KANAMUGIRE Eugène</b> <b>KARANGWA Justin</b> <b>IRAGUHA Faustin</b>	79 71 71 71 70 70 70
06	Umushoferi wa Farumasi y'Akarere	<b>RUMONGI Silas</b>	80
07	Umukozi wa Mutuelle de Santé ushinze kugenzura inyemezabuguzi ku kigo nderabuzima cya <b>CYERU</b>	<b>MUKAYISENGA Marthe</b>	82

**✚ Kuri iyi ngingo , Abajyanama bemeje imyanya igomba gutangazwa kugirango ipiganirwe:**

N°	UMWANYA	ICYONGERWAHO
01	Umugenzuzi bwite w'Akarere wa kabiri	Uwari muri uyu mwanya yarasezeye kandi ubwo watangazwaga hamwe n'indi, abakoze bose nta

		n'umwe watsinze
<b>02</b>	Umubaruramari wa " <b>Mutuelle de Santé</b> " mu Karere	Ni umwanya mushya <b>MINISANTE</b> yasabye ko uyu Mukozi yashyirwaho
<b>03</b>	Véterineri w'Umurenge wa <b>NGAMBA</b>	Uwari muri uwo mwanya yarasezeye .
<b>04</b>	Abashinzwe Uburezi mu Mirenge yose	Ni Umwanya uteganyijwe kuri " <b>Cadre Organique</b> ", <b>MINEDUC</b> ishingiyeye ku myanzuro y'Inama y'Abaminisitiri yo ku wa <b>11Gicurasi 2011</b> , yasabye ko uyu mwanya washyirwamo Abakozi.

### **Ingingo ya 5: Kwemeza ibiciro by'ubutaka**

Abajyanama bamaze kugezwaho ibiciro by'ubutaka babyemeje, nkuko byasabwe n'Ikigo cy'Igihugu gishinzwe ubutaka "**National Center Land**".

Ku mugereka w'ibi byemezo murahasanga ibiciro by'ubutaka bizakurikizwa mu Karere ka **KAMONYI**

- ✚ Abajyanama bakaba bagejejweho gahunda yo kwibuka Urubyiruko rwazize jenocide yakorewe Abatutsi muri **Mata 1994**, biyemeza kuzifatanya n'Urubyiruko no gukangurira n'abandi baturage mu kwibuka urubyiruko rwazize jenocide.
- ✚ Abajyanama bafashe umwanzuro wo gusubika inama ingingo zisigaye zikaba zizigirwa mu nama idasanzwe y'Inama Njyanama.

Inama yashoje imirimo yayo saa cyenda n'iminota mirongo itatu (**15H30**), Umuyobozi w'inama ashimira abayitabiriye n'imyanzuro myiza yafatiwe muri iyi nama.

**Ku mugereka w'ibi byemezo murahasanga urutonde rw'Abajyanama bafashe icyemezo kuri buri ingingo.**

**NIKUZE Marie Chantal**

**Umunyamabanga w'Inama Njyanama**

**KARURANGA Emmanuel**

**Umuyobozi w'Inama Njyanama**